

MEMBINA SOALAN (LATIHAN)

Tuliskan soalan bagi jawapan yang telah diberikan di bawah.

1. Misya telah bercadang melanjutkan pelajaran di luar negara pada tahun hadapan.
2. Kompang selalu dipalu di majlis-majlis perkahwinan orang Melayu.
3. Enjin motobotnya tidak dapat dihidupkan kerana telah dimasuki air.
4. Pakaian mangsa-mangsa pelarian perang itu kelihatan compang-camping dan lusuh.
5. Kehijauan hutan hujan tropika merupakan tarikan utama pelancong ke Sabah.
6. Firdaus mengikuti kem kecemerlangan UPSR untuk memperoleh keputusan yang cemerlang.
7. Saya tinggal di Kampung Medan.
8. Ya, saya pernah tinggal di Melaka.
9. Setiap pelajar perlu yakin dan tekun jika ingin cepat pandai.
10. Sikap kata-mengata antara satu sama lain tidak patut diamalkan.
11. Budak-budak itu menunggang basikal bersaing-saing sambil bersiul.
12. Banyak bangunan lama di bandar raya Kuala Lumpur dicat menjelang sambutan Hari Kebangsaan.
13. Azmi akan menyambut hari jadinya pada minggu hadapan.
14. Perompak itu dijatuhkan hukuman penjara selama lima tahun.
15. Dikir barat, boria, dan ghazal adalah antara kesenian tradisional yang terkenal di negara kita.
16. Gajah semakin diancam kepupusan akibat aktiviti pembukaan hutan, pertanian, pembalakan, dan pembukaan jalan raya.
17. Cara penjagaan gigi yang betul dapat mengelakkan penyakit gusi.
18. Pihak muzium terpaksa merahsiakan kawasan penemuan khazanah purba itu untuk mengelakkan kecurian.
19. Warga tua dapat memberi sumbangan untuk membendung masalah remaja kini dengan memberi Pendidikan dari segi agama, budaya, dan sosial.
20. Mangsa-mangsa banjir itu dipindahkan ke kawasan yang lebih selamat.